

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第二一冊

責任編輯：孫言誠

賀 偉

ISBN 7-5333-0535-3



3/13/2/10/9

四庫全書存目叢書·史部二一一

(大陸版：限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 45.375 印張

1996 年 8 月第 1 版 1996 年 8 月第 1 次印刷

印數 1-100

ISBN 7-5333-0535-3

Z·37 史部定價：87600 圓

史部第二一冊目次

史部・地理類

〔萬曆〕溫州府志十八卷(二)

〔明〕湯日昭 王光蘊纂修
溫州市圖書館藏明萬曆刻本

..... 一

〔萬曆〕襄陽府志五十一卷(原缺卷十)(一)

〔明〕吳道適纂修
北京圖書館藏明萬曆刻本

..... 二六一

〔萬曆〕溫州府志十八卷

(二)

〔明〕湯日昭 王光蘊纂修

溫州市圖書館藏明萬曆刻本

附《四庫全書總目·萬曆溫州府

志十八卷》提要

溫州府志卷之十一

人物志

敘曰志人物者何地以人重也甌風號多賢理學士彬彬盛矣而勛業文章忠節孝行與夫間巷潔修閨闈貞淑若而人皆卓有可紀下至方技仙釋者流卽地之所重不以此而小道可觀內典旁闕亦不必以方外寘之述人物傳

理學

〔宋〕王景山初名開祖永嘉人登皇祐第不調而歸溫州府志卷之十一 人物一

從學數百人召試賢良方正未行而卒年三十一當時伊洛諸儒未作景山獨能發明經蘊著儒志編曰復者性之宅無妄者誠之源又曰學者離性而言情奚情之不惡又曰由孟氏來道學不明吾欲述堯舜之道論文武之治杜淫邪之路闢皇極之門吾畏諸天者也吾何敢已哉旨多類此爲東嘉道學首倡郡守楊蟠立儒志坊表之學者稱儒志先生

周行已字恭叔永嘉人祖豫父泳俱登第行已風

似秀整語音如鐘讀書十行俱下游太學以文行著時尚新學行已獨往伊洛從二程子游作顏子不貳過論有曰過不必大毫末萌於心而天地爲之應悟不必久斯須著於心而天下歸其仁伊川可之曰是子達早然憂其退速登元祐第京師貴人欲妻以女行已曰吾姨母貧女瞽吾母雖不言意已屬吾養志可也辭昏歸娶焉伊川語人曰某未三十時亦做不得此事崇寧行舍法選師儒除太學博士行已請于朝願分教鄉里以便養親詔溫州府志

卷之十一

人物

三

三四

許之宣和初除秘書省正字卒于鄆有文集三十卷伯父彥通辭廕不仕世稱隱君子孫學古兩薦漕闈不第遂棄去以風雅自娛曾孫如堅登右科爲合浦令族孫去非登第爲張南軒高弟終紹興倅弟承已別有傳

許景衡字少伊瑞安人器質端重幼如成人師程伊川登紹聖第宣和間召爲監察御史時王黼等用事景衡請博採公議遴選忠賢大忤黼意又童貫將北伐論其貪繆不可用者數十事王黼中

以他事逐之欽宗召爲太常少卿高宗時爲尚書左丞金人南侵請幸建康責潛善等惡其異已諧罷之卒于京口諡忠簡高宗歎曰朕卽位以來執政遇事敢言惟許景衡耳詔賜溫州官舍一區所著有橫塘集三十卷

劉安節字元承永嘉人與從弟安上師事程伊川所得最深登元符第以薦召對便殿言東宮宜擇官屬及論奢儉君子小人和同之異上稱善除監察御史決大獄多所平反後謫知饒州徙宣州饒民遮道泣留謂吾饒自范文正後一人宣州大水大疫賴安節全活以萬計爲政不事刑威猾胥自服每相戒曰神可欺公不可欺卒于官部使者表其勤民致死詔官其子誠至今宣人尸祝之

劉安上字元禮永嘉人與從兄安節同師程氏鄉里推其學行號二劉登紹聖第大觀初提舉兩浙學事陞辭進對稱旨徽宗稱其醞籍有大臣體卽日除監察御史廷有推鞠多以屬安上遷侍御史嘗奏事退上目送之曰劉安上論事可謂詳審矣

溫州府志

卷之十一

人物

三

三四

屬蔡京擅政黨與蟠結無敢嬰其鋒安上抗疏極數其罪數十又與中丞石弼等廷劾之京遂罷相歷官右諫議大夫中書舍人給事中後乞外補終朝請大夫文安縣開國男安上有至性居親喪幾至委頓在御史不爲訐直沽名論事退卽削稿於先達之薦之者亦未嘗致私謝有詩集制誥雜文三十卷 從父元長家居孝友有欲異藉者輒賦鴻鴈詩以動之歲饑平糶又營義塚以便民從弟安禮舉省試不第歸而教授與漢上朱震交厚方

溫州府志

卷之十一

人物一

四

三

臘寇郡協贊劉士英守城以忠義稱

戴述字明仲永嘉人孝友直諒爲文操筆立成入京師試廣文館趙丞相得其文謂爲老儒擢異等而述未冠也由是知名述以科舉口耳學爾走伊洛求爲已之學俄遭父喪哀毀不如菜果廬墓終喪登元符進士第調東陽簿州徙監銀冶以辭不獲賦歸去來十章投檄而歸會州選學官爲臨江教授以母憂去抱疾倚廬醫論當遷於內述不可曰疇昔夢有告吾死生之說吾其亡此乎六日而

李娶劉元禮之妹子二顧頴弟迅字幾仲俱以文學稱

趙霄字彥昭瑞安人博學通古今喜論天下事十歲爲猛虎行鄉先生咸奇之少孤季父析其產與兄異財稍長悉以屬兄獨游京歸入太學登崇寧第爲濟州教授導學者以篤學力行不專事科舉東方士俗爲之變名聞京師召處辟雍李彥立一見稱爲趙頴子官承事郎卒雍正

張輝字子充永嘉人自六經諸子書歷代史記下

溫州府志

卷之十一

人物一

五

三

至百家之說皆通習辨析精微論議疊疊居喪哀毀幾不勝廬墓三年作霜露堂有甘露降于庭人謂孝感所致請以甘露易扁輝曰吾自衍耶復築室墓傍日從事治氣養心之術學者從之益衆州舉八行不就政和二年上舍擢第調泰興簿三舍法行選爲洪州教授部使者薦諸朝輝被召爲國子學錄卒嘗撫古人行事斷以已意曰草堂語錄人稱草堂先生子孝愷字思豫力學尚節義登紹興庚辰第歷海鹽簿終兵部架閣

蔣元中字元中永嘉人梁校書郎湛之後力學多聞見道超卓有經不可使易知一論太學刻于石紹興初張九成下車詣學猶能口誦之

沈躬行字彬老永嘉人甫冠游太學同輩以時文相尚躬行獨爲古學以近世喪葬禮廢迺倣古正棺衾饋奠衰服之制斥佛事不用始從塘奧林氏後從伊川程氏藍田呂氏其學以中庸大學爲本篤信而行之故能卓然以聖賢爲依歸平居色夷氣和似不能言及辯是非則毅然不可奪族貧無溫州府志不卷之十一 人物一 六 三

行義稱

按周恭叔許少伊劉元承元禮戴明仲趙彥昭張子充蔣元中沈彬老時稱元豐太學九先生周端朝字子靖永嘉人行已族孫少淹貫經史爲葉適所知繼從朱熹於武夷學業益進紹興中入太學趙汝愚爲李沐所攻罷相端朝與同舍生楊宏中等上疏救之得罪羈信州久之放免時號六君子登嘉定第調桂陽軍教授首立濂溪祠以示

準的秩滿改太學錄選博士入對言人主之學與士大夫之學不同士大夫一心之存亡繫一身之是非人主一念之操舍關天下之休戚除太常丞兼司戶郎久之遷秘書少監兼侍講復言近歲經筵例咸兼職令抱道篤學之士列庶官而棲散地乞廣加收召以備其選於是蔣重珍徐清叟葉味道相繼進用端平初時相以浮議遽興三京之師端朝力言其不可旣而師敗卒如其言除權刑部侍郎卒謚文忠

溫州府志不卷之十一 人物一

七

林石字介夫瑞安人初習進士聲律旣而曰古人之學不如是也遂刻意諸經遭父喪廬墓三年王安石三經盛行石獨不趨新學以春秋教授鄉間旣而春秋爲時所禁遂絕意仕進躬耕養母或勸以仕不荅講論古今必先行實而後文藝曰本之不立末於何有時趙清獻拊與孫監司昌齡石守牧之季守鈞皆造其廬郡丞趙岷邑令朱著同謁其母或偕石游山水間所至唱和有三游集後周許二劉繼起尊爲丈人行世稱塘奧先生

鮑若雨字商霖永嘉人嘗構亭於所居之鴈池扁曰敬亭張思叔爲之記稱其從學於伊川先生勤苦自勵蚤夜不息爲同門之畏友其見重於伊洛諸儒若此後居鄉值宣和方寇之亂率鄉人捍禦有司奏功第一不受賞所著有程門問荅錄敬亭文集

陳鵬飛字少南永嘉人其學不爲章句新說必本人倫正論而趨於深厚兩舉於鄉俱第一登紹興第調鄞簿召對爲太學博士改秩兼崇政殿說書

溫州府志

卷之十一

人物一

八

三才七傳

遷禮部郎初秦檜子熿在永嘉從鵬飛學至是熿爲侍郎所下文案多臆決不應鵬飛每批其後還之熿寢不平及侍經筵講天王來歸惠公仲子之賄高宗忽問母以子貴何如鵬飛從容以正對謂公羊之說非是高宗愕然時秦相欲尊崇太母以效容悅大怒諷言者劾鵬飛譏議慈寧典禮謫惠州後四年卒有詩書解羅浮集十卷淳熙末留正始爲開陳詔官其孫載

鄭伯熊字景望永嘉人德行夙成尤邃經學登紹

興第隆興初召試正字除太常博士遷吏部侍郎魏王判宣州南面坐受屬吏進謁伯熊除司馬遂以劄子開說謙德未光嫌疑之際或駭觀望不聽因自劾免改江西提刑奉祠起知婺州歷國子司業宗正少卿乞外以龍圖閣知寧國府卒謚文肅紹興末伊洛之學稍息復於伯熊得之弟伯英伯海皆知名當時由是永嘉之學宗鄭氏所著有鄭景望集伯英所著有歸愚翁集

溫州府志

卷之十一

人物一

九

三才四傳

許景衡始而用休與潘旻繼之今程氏全書與伊洛淵源所載問荅皆根據至理其所得深矣後以賢良薦知閤門事卒葬所居里梅壠山

薛季宣字士龍永嘉人徽言子也幼孤從世父彌宦游得見故老及聞中興經理大畧卽有當世志遇表旣授以伊川學益自充養紹興末調武昌令善策邊務嘗進言曰臣所深憂左右近侍陰擠正士而陽稱道之陛下倘因類言而聽之臣恐墮石顯王鳳鄭注之智中也又言近或以好名棄士大

夫好名特爲臣子學術之累人王爲社稷計惟恐不好名誠使人人畏名義何事不立孝宗稱善恨得季宣晚除大理正自是凡奏請論薦皆報可與丞相虞允文議多不合乞外補知湖州改知常州卒謚文憲所著有經書訓義詩性情說伊洛禮書補亡伊洛遺禮良齋浪語子云登科族子洽登淳熙第初游太學有鮑生疫同舍棄去洽獨謹視之鮑得無恙人稱其義云

溫州府志 卷之十一 人物 十一 三十九天

伊川學一日問伊川曰由之瑟奚爲於丘之門斯言何如伊川曰此子路於聖人之門有不和處也子文退而求聖人之和又問子夏子張論交何如伊川曰子張是成人之交子夏是小子之交子文退而求成人之交又問王忠信毋友不如己者何如伊川曰毋友不忠信之人子文退而求忠信之道子文自幼志趨高遠性資敏悟博極羣書作文立就隱居不仕卒

陳經正字貴一平陽人慕伊洛之學與弟經邦經

德經鄂永嘉鮑若蘭受業二程之門經邦字貴新大觀三年進士終建功郎有問荅見二程全書及伊洛淵源東嘉先哲江南文獻等錄

王十朋字龜齡樂清人少穎悟日誦數千言稍長操筆已有憂世拯民之志通六經尤長於春秋入太學名譽藉甚紹興丁丑以上舍廷對萬言高宗覽而異之親擢第一宸翰褒之曰經學淹通議論醇正是日詔天下毋得以金翠爲飾遠方所獻翠羽悉燔之用對策語也授紹興僉判或以書生易之十朋裁決如神秩滿除秘書省校書郎尋兼建王府小學教授時秦檜久塞言路至是十朋與馮方李浩等相繼論事太學生爲五賢詩美之孝宗卽位除知嚴州歷官起居舍人侍御史每見上必陳恢復之義及歷排姦倖直言無隱上每嘉納出知饒州移夔州湖州得請提舉江州太平興國宮起知泉州又移台州所至入繪而祠之列郡之政光絕一時召爲太子詹事以龍圖閣學士致仕有大星殞於故居俄卒朝命漕臣治喪事謚忠文十

溫州府志 卷之十一 人物 十一 三十九天

所上自秦對下逮燕笑從容無一言一動不軌於正而世俗所謂利害得喪榮辱死生之變一無所入於其中朱晦翁嘗稱之曰光明正大磊磊落落君子人也所學自孔孟而下惟韓歐是師故其文粹然有尚書春秋論語解梅溪集子聞詩聞禮聞詩字與之知光和二州錢監輦鐵輸炭爲民患奏廢之終江東提刑聞禮字立之知常州駁獄明允歲饑上疏救荒措置民食知德安府改太府丞終直秘閣

溫州府志

卷之十一

人物一

十二

三十九

陳傳良字君舉瑞安人年未三十文名擅天下授徒仙巖四方景從薛季宣訪之問以所安曰毋不敬季宣曰比叅倚何如傳良釋然有省乃謝去舊學從季宣於渴上閱數歲盡得本末乾道八年廷對文逼西漢議論過之殿臚定爲第一旣而不果調泰州教授未上除太學錄因議科舉法不合出通判福州知桂陽軍召爲吏部郎入見光宗迎勞曰卿昔安在朕思見卿久矣其以所著書示朕退以周禮說上除秘書監兼嘉王府贊讀遷左史兼

書舍人會光宗疾作久闕南內定省中外切諫一日得旨過宮百僚班候光宗已出御屏慈懿皇后復挽入傳良引裾請母入內隨至御屏後后叱之傳良哭於廷后遣人問之曰此何理也對以子諫父不聽則號泣而隨之后益怒傳良下殿不返舍徑出國門寧宗卽位召爲中書舍人會黨論起遂奉祠久之起知泉州以疾辭除寶謨閣待制卒謚文節傳良旣受學於薛季宣已而入太學復友張呂凡諸儒所講論及文獻相承所以垂世立國

溫州府志

卷之十一

人物一

十三

三十九

者傳良得之猶蒐斷簡采異聞一事一物必稽其極而後止千載之上珠貫繩聯若目見而身折旋其間呂伯恭以爲長不獨在文字間也其操術精而致用遠惜施不竟耳有周禮說春秋後傳左氏章旨毛氏詩解詁讀書譜建隆編止齋文集學者至今稱止齋先生族弟武字蕃叟少力學於書無所不讀尤長於春秋與傳良名相埒登淳熙第除秘書丞終右文殿修撰知泉州子求已登科終雷州倅孫志學莆田宰時學江山宰

嘉溪字少望永嘉人築精舍岷岡與王柵讀書其中盡通諸經江浙從游者數百人淳熙省試第一歷官太子詹事類易詩春秋論語孟子資治通鑑各爲說以進太子親書明經字扁其堂終工部尚書以翼贊恩贈端明殿學士謚文端學者稱岷隱先生溪性行純明平實簡易不爲新奇可喜之說而識者服其理到嘗與朱熹遇于旅邸時從行者衆溪謂之曰獨不畏鉤黨耶熹矍然散遣之嘉定間朝論將以姦黨盡投嶺海溪獨援紹聖往事恐

溫州府志

卷之十一

人物一

十四

三十四

貽君子小人反覆之禍議遂寢所著有易詩春秋論語孟子荅問通鑑筆義將鑑復讐對岷隱集從孫栩字文子登嘉定第爲太學博士遷秘書郎學行高邁有五經說諸子辯論東都要畧

徐元德瑞安人好學篤行登淳熙戊戌第任福建軍學教授講論名理身先燥燠爲諸士倡終通州守著周禮制度精華二十卷

葉適字正則其先自處州之石林徙永嘉城南水心十歲能屬文淳熙廷對第二人除太學正遷博

士朱晦菴爲林栗所論適上疏言栗非是知蘄州一以靜治處士李之翰居中州通性命之學適每及門相與切劘已而入爲吏部郎孝宗升遐光宗以疾不能執喪適贊趙汝愚請嘉王叅決宗社底定遷國子司業時趙汝愚已作相韓侂冑以遷秩不滿怨望汝愚適曰侂冑所望不過節鉞宜與之汝愚不從適曰禍自此始矣遂力求補外及汝愚貶衡陽而適亦爲御史胡紘所劾罷寧宗朝以工部侍郎召徙吏部兼直院韓侂冑專政議北伐適

溫州府志

卷之十一

人物一

十五

三十五

避草出師詔不拜以資謨閣待制守金陵引疾請祠里居十有五年累進實文閣學士卒年八十四謚文定適生平喜讀書不以世務縈懷考論古今品藻人物自成一家言名重當世學者咸稱水心先生遠而高麗亦捐金幣求其文有習學記言荀楊問荅外藁水心集行于世

劉軫字德輿平陽人嘗戒其子天益曰忤心而能樂處則忤者終順也快心而不預防則快者終害也怒將以加人過怒適以自傷也龍將以致譽矜

能適以招謗也凡此皆非淺心者所能知所著鈴心指要二萬餘言子天益邃於理學有筠陂集嘉泰二年以布衣應賢良方正科上萬言書不報性至孝母歿著思母篇詞極悽愴朱黼讀之淚下不能禁云

葉味道字知道初名賀孫其先括蒼人徙永嘉早從朱晦菴于武夷登嘉定第教授鄂州理宗朝除宗學諭遷太學博士兼說書故事說書止說通鑑而不及經味道言論語二十篇皆人君修身治國

溫州府志

卷之十一

人物一

十六

三

平天下之道臣熹集解闡明義理最爲精切乞自今先講論語後說通鑑從之在經筵上言人主之務學天下之福也必堅志氣以守所學勤幾微以驗所學正綱常以勵所學用忠言以光所學帝一日問伯有之事味道對曰陰陽二氣之聚散一定而不可易者其常也不得其死而鬱結不散者其變也伯有得罪而死其氣不散於是爲之立子洩以奉其後蓋諷皇子竑之事也後除秘書郎兼工部郎卒景定間門人范東叟請謚曰文修所著有

四書說儀禮解宗廟郊社外傳經筵口奏

陳埴字器之永嘉人父燁字民表工屬文善持論爲葉水心所推三子埴增止善皆登科埴少穎悟久從朱氏于武夷所見超卓紹定間江淮制置趙善湘建明道書院辟埴幹辦公事兼主講席四方學者從游數百人尊爲潛室先生以通直郎致仕卒所著有禹貢辨洪範解王制章句木鍾集

吳藻字子量初名濤永嘉人表臣曾孫藻出於世臣見聞有素又能篤志潛求櫛沐俱廢由是六經

溫州府志

卷之十一

人物一

十七

三

諸子淹貫融液登淳祐第監平江府大軍倉秩滿朝論將處以京職弗就詣流內銓注青田縣令而歸從游之士獨盛潘凱方來輩皆出其門湯建字達可樂清人少爲陳止齋所知天文地理古今制度考覈精詳洞達本末遂棄舉子業篤意兢省深造理窟始以其學授徒名儒達士多受業焉尊曰藝堂先生每夙興必齋沐讀易一卦退與友朋商論欣欣自得有古瑟常鼓以自娛年逾八十卒所著詩衍義論語道德經解

翁嚴壽字如山初名夔永嘉人登淳祐第調永州教授以憂歸性行純固德容粹然久師陳植盡得微言奧義從學日衆常令人讀近思錄曰此讀書之梯級也又令觀言行錄曰此爲人之標準也其學以脩身勵行爲務學者尊爲庶善先生

王與之字次黥樂清人從松溪陳氏學盡傳六典要旨遂著訂議八十卷郡守趙汝騰進之朝云與之踐履無玷守節不渝皓首著書真經明行脩之士其書精粹可裨聖明之治遂授賓州文學終通溫州府志卷之十一 人物 十八

判泗州年九十七卒

胡子實字醇子初名希孟永嘉人力學不怠於四書所得尤深鄭滁孫尹樂清創宗晦書院請主教席講說詳明深契宗旨多士歸之咸淳末有援元祐陳師道例請於朝授史館編校尋命以官德祐末帶行國子監簿使明州卒所著有講義習史管見

戴蒙字養伯由閩避亂徙永嘉居柘溪菰田紹興間用閣門舍人戴勳牒改名塾中第調麗水尉以

公事與郡將忤棄官從朱氏於武夷自念假途名之非復舊名再試不偶曰可以止矣郡守楊簡薦于朝後御史王穎叔亦薦之用初名復官卒長子仔郡以孝廉薦次子侗登淳祐第由國子簿守台州二子皆博雅能世其家所著有易書四書家說六書故

林武字景文永嘉人孝友冲約博通經史朱熹講道武夷武徒步從之受中庸衣錦之旨歸扁其室曰尚綱且輯平日所聞爲語錄後以恩科授河池溫州府志卷之十一 人物 十九

縣尉秩滿廣漕交辟不就歲歉賑及遠邇子濱孫

知柳州孫璿夢桂俱登科

胡一桂字德夫永嘉人從翁嚴壽學領咸淳鄉薦教授于鄉學者稱人齋先生德祐乙亥上丞相書幾萬言忠誠懇切莫能行之董左丞俾攝郡學研究周官經國制度參訂互考至忘寢食故六官錯簡一旦貫通補正古周禮一百卷與鄭伯謙太平經國書並行於世

繆王一永嘉人從西山葉味道游博學強記西山

洪器之後補國學生陞內舍通書易禮三經宋末
賈似道蕪湖之敗主一與同舍生伏闕上書攻之
德祐初以疾告歸未幾宋亡遂隱居教授晚歲兩
目皆瞽大德間郡守廉希憲延爲郡庠經師每日
輿至齋中時初製大成樂禮器祭服制度儀式必
諏詢之主一雖瞽而諳練典故記憶不衰與人言
疊疊無倦人有問者必荅曰在某書某帙檢視果
然年八十餘卒有易精蘊論學軌範尚書說禮記
通考天隱集

溫州府志

卷之十一 人物一

二十

三

元史伯璿字文璣平陽人自幼嗜學強記博通經
史及諸子百家之說精究四書深得朱氏之旨時
諸說與朱子背馳者多乃著四書管窺以辯明之
又著管窺外編論諸經史天文地理古今制度名
物學者傳誦焉人勸之仕則曰讀書本以善身爲
仕而學豈吾志也遂隱居終身

陳剛字公潛平陽人嘗從石塘胡先生學時胡爲
杭州西湖書院長見剛勤苦晝夜不倦留剛於家
同起居盡以所學授之遂通易詩書著問難四書

通辯述歷代正閏圖說渾天儀說歷代官制說禹
貢洪範手抄爲文倣西京詩效漢魏應試累不就
乃曰吾學豈不如今人吾才豈不逮古人吾之不
遇命也又何尤父母皆年八十孝養至篤鄉里皆
稱曰潛齋先生章瑤洪鑄林溫陳善李時可王清
等皆出其門

章仕堯字時雍平陽人通經史深究四書闢輿時
方尊顯程朱之學仕堯研精覃思發明傳意釋然
通暢嘗曰時之治亂由於人心之邪正心之邪正

溫州府志

卷之十一 人物一

二十一

三

由於學術之醇疵識者以爲名言連舉丁巳庚申
鄉貢彭廷堅蔣允汶趙次誠等皆其弟子後進言
義理之學必稱仕堯云

皇明王淵字如淵永嘉人宋儒志先生王景山九
世孫通詩書二經洪武初舉進士以疾告歸任本
縣儒學訓導賦性正直人有過差必面折之毅然
以作興後學爲已任教育不倦貧而來學者亦每
加資給所著有蓮塘藁

蔣允汶字彬夫永嘉人值元季避地閩中就試流

官榜進士第一既而辭不就仕洪武初年歸鄉里郡守楊時中聞其才延爲本府學五經師同知王全延執弟子禮事之後實授府學訓導考試浙江鄉貢得士尤多所著有四書纂類藏于家

李應祚瑞安人少穎悟受春秋於高則誠既而得關閩諸儒全書讀之于天道性命之微古今事物之理與夫百家子史靡不究常曰窮經以致其用反躬以踐其實不如是讀書奚益洪武中以明經薦未幾告老歸年八十三卒有自警詩云希賢希溫州府志

卷之十一 人物一

三十一

言品六十五

聖吾儒事大道從來不遠人地載風霆俱是教天垂象緯豈非仁無能畫虎翻成拙有技屠龍未是神俯仰兩間無媿怍練衣簞食任長貧

徐興祖字宗起平陽人受學于史文璣明易詩書三經洪武壬子舉授溫州府學教授以性理之學開導諸生登顯仕者衆咸尊之曰橫陽先生秩滿以疾辭歸尋起爲郡訓導丙子江西聘司文衡朱謐字思寧永嘉人性敏嗜學與人談論皆極性理之奧行誼修飾鄉邦式之仕爲邳州學正致仕

以著述爲務有四書述解正蒙述解梓于郡齋張文選字士銓永嘉人受易于平陽徐宗起篤信體道嘗曰讀書貴躬行口耳何爲永樂丙戌第進士選翰林庶吉士預修實錄大典所著有易經講義四書訓解

項喬字遷之永嘉人嘉靖己丑進士由郎署出守撫廬河間三郡歷湖廣福建廣東潘杲性純篤學務身心遇事確然以理自斷一無所徇張少師當國嘗欲引致華要喬謝焉歷官二十餘年潔已愛

溫州府志

卷之十一 人物一

三十一

言品六十五

民興利除害所至善政章著多遺愛卒于官居鄉以表正爲己任尤樂以善道開誘人少壯至老未嘗一日廢書研窮理奧不主一家意見所獨得輒劄記以自鏡爲文關世教不事險棘靡豔所著有甌東文錄私錄政錄數十卷

王叔果字育德永嘉人叅議澈長子嘉靖庚戌進士任兵部職方員外郎武選郎中己未爲會試同考官尋視師薊鎮諸所更定著爲令分宜相以世好托致絕不私謁出爲湖廣叅議擢廣東按察司

副使遂引疾歸時年未五十屏居鄉廬削迹城府
中丞劉公畿侍御馬公朝陽范公鳴謙交薦之謝
不復出性孝友謙恭誠恪天至生平不妄一語自
奉如寒素於紛華聲利嗜好一無所染林居二十
餘年潛修考古無一日去書其所專精者六經性
理之學居嘗輯象山語畧明其非禪取晦翁晚年
之論不相二者合爲一錄而又以陽明先生指心
之良知是爲聖欲學者惺惺不昧以通乎晝夜之
道而知紫陽象山推尊性善求放心之說性善故

溫州府志

卷之十一

人物

三十四

三十四

知良求放心故自惺惺不昧其致一也當是時泰
和胡觀察直大名申考功旒黃安耿御史大夫定
向皆論篤君子相與約會論學共推以爲得實際
云所著有永嘉縣志半山藏稿二十卷

論曰自孔孟沒而功利詞章之習興天下靡靡
餘千載矣至宋周元公始發明正學是時吾甌
則有王儒志先生其學以誠性爲宗與元公不
謀而合嗣後則有周恭叔劉元承之徒皆得伊
洛正傳而甌遂稱小鄒魯豈偶然哉

明興名賢輩出追企古人考論師友淵源蓋有自
云然三代盛時士以躬脩爲學而後世徒侈於
詞說其說愈詳而行愈不逮世始譁而僞之而
黯然自脩之士乃更以爲譁夫學何譁之有以
身爲質毋以聲利滅其真天下將瞿然化之矣

溫州府志

卷之十二

人物

三十五

三十五